



Republika e Kosovës
Republika Kosova-Republic of Kosovo
Qeveria - Vlada - Government

Komisioni Ndërministror për Reformën e Administratës Publike

28 gusht 2013, ZKM

Procesverbal

**Takimi i Komisionit Ndërministror
për Reformën e Administratës Publike**

Më dt. 28 gusht 2013 është mbajtur takimi i nëntë i Komisionit Ndërministror për Reformën e Administratës Publik (KNRAP), i cili u kryesua nga **Ministri i MAP-së z. Mahir Yagcilar**, i cili përshëndeti dhe falënderoi të pranishmit për punën e tyre të pakursyer dhe kërkoj nga ta për të vazhduar me përkushtim edhe më të madh procesin e filluar për reformimin e administratës publike si dhe informoj ata lidhur me ndryshimet në udhëheqjen dhe funksionimin e KNRAP duke informuar të pranishmit lidhur me ndryshimet e bëra me vendimin e dt. 26.07.2013 të Qeverisë së Republikës së Kosovës për organizimin dhe funksionimin e strukturave për zbatimin e planit të veprimit të Strategjisë së Reformës së Administratës Publike duke potencuar futjen edhe të dy anëtarëve të ri të përhershëm të KNRAP pra nga pesë që kanë qenë të përhershëm në

shtatë anëtarë të përhershëm: me kryesues Ministrin e MAP-së i cili do të udhëheq Komisionin e KNRAP duke marrë udhëheqjen e KNRAP nga ish Kryesuesi i KNRAP Zëvendëskryeministri z. Hajredin Kuqi po ashtu në këtë përbërje të KNRAP si anëtar të përhershëm janë edhe ministrat nga këto Ministri si ajo e : MAPL-së, MD-së, MF-së, MIE-së, MPMS-së si dhe Sekretari i Përgjithshëm i ZKM-së, ku në këtë rast Ministri i MAP-së Mahir Yagcilar njofton për futjen e dy anëtarëve të ri të KNRAP, Ministrin e MPMS-së dhe Sekretarin e Përgjithshëm të ZKM-së, si dhe votimin me shumicë votash dhe ndryshimin tjetër pra atë të vendimmarrjes e cila do të kalon nga KNRAP në Qeverinë e Kosovës, duke theksuar se KNRAP do të jap rekomandimet lidhur me çështjet të cilat do të kalojnë në Qeverinë e Kosovës si dhe mbajtën e takimeve të KNRAP së paku katër herë në vit apo çdo tre muaj. Ministri z. Mahir Yagcilar informoj të pranishmit së në këtë takim do të diskutohen tri çështje kryesore: Aprovimin e Planeve Zhvillimore Strategjike, Aprovimin e Rregulloreve për organizimin e brendshëm dhe shqyrtimin dhe miratimin e raportit lidhur me Zbatimin e Strategjisë dhe Planit të Veprimit për Reformën e Administratës Publike.

Po ashtu, Ministri i MAP-së z. Mahir Yagcilar, duke ju përmbajtur agjendës ka filluar me diskutim lidhur me prezantimin e arritjeve si dhe sfidave në hartimin e Planeve Zhvillimore Strategjike të këtyre Ministrive:

- Ministria e Forcës dhe Sigurisë së Kosovës;
- Ministria e Punëve të Jashtme;
- Ministria e Arsimit, Shkencës dhe Teknologjisë;
- Ministria e Shëndetësisë;
- Ministria e Bujqësisë, Pylltarisë dhe Zhvillimit Rural.

Miratimin e Raportit mbi zbatimin e Planit të Veprimit për zbatimin e Strategjisë për Reformën e Administratës Publike 2010-2013

Prezantimin e arritjeve dhe sfidave në hartimin e Rregulloreve për Organizimin e Brendshëm dhe Sistematizimin e Vendeve të Punës për:

- Ministrinë e Infrastrukturës;

- Ministrinë e Financave;
- Ministrinë e Kulturës Rinisë dhe Sporteve;
- Ministrinë e Zhvillimit Ekonomik;
- Ministrinë e Punëve të Brendshme.

Ministri Yagcilar kërkoj nga të pranishmit që deri në fund të vitit 2013 të aprovohen të gjitha Planet Zhvillimore Strategjike dhe të filloj zbatimi i tyre, ndërsa sa i përket Rregulloreve për Organizimin e Brendshëm kërkoj që sa më shpejt të përfundohet ky proces në mënyrë që pas kësaj të filloj procesi i klasifikimit të vendeve të punës të shërbyesve civil dhe të fillohet në janar të vitit 2014 me sistemin e ri të pagave. Mirëpo me theks të veçantë ministri përmendi si prioritet zbatimin e Planit të Veprimit për zbatimin e Strategjisë së Reformës së Administratës Publike.

Në vazhdim në bazë të agjendës së takimit është bërë prezantimi i punës rreth planit zhvillimor strategjik për Ministrinë e Forcës dhe Sigurisë së Kosovës (MFSK-së) ku mori fjalën zëvendësministri i FSKS-së z. Muhamet Latifi i cili filloi fjalimin duke përmendur vendimin e nxjerrë nga Këshilli i NATO-së për përmbushjen e kapaciteteve të FSKS-së duke theksuar edhe rëndësinë e këtij vendimi për FSK-në si dhe në përgjithësi për shtetin e Kosovës. Po ashtu ai përmendi edhe fillimin e punës së ekspertëve së bashku me DIR rreth çështjes së sigurisë duke përmendur edhe hartimin e raportit të parë si dhe duke parë si të rrugës edhe bërjen e analizës për FSK-në pas përmbushjes së këtyre kapaciteteve si dhe duke dalur me rekomandime të cilat do ti prezantohen Qeverisë dhe Kuvendit të Kosovës. Ai numëroi edhe kornizën ligjore me të cilën funksionon MFSK si dhe nxjerrjen e disa ligjeve të reja. Po ashtu ai kërkoj që MFSK të filloi më vonë me Rregulloren për Organizimin e Brendshëm të kësaj ministrie për shkak të specifikave të veçanta të kësaj ministrie si dhe stafit ushtarak dhe civil të cilin e ka kjo ministri. Në vazhdim Ministri Arsimit Shkencës dhe Teknologjisë z. Ramë Buja numëroi të arriturat e kësaj ministrie,

ku sipas analizave ka realizim të konsiderueshëm në plotësimin e objektivave të parashtruara në Strategjinë e Zhvillimit 2011-2016. Ndër këto të arritura përmendet hartimi i kurrikules së standardeve për edukimin parashkollor për moshën 3-5 vjeç, gjithashtu 60 institucione parashkollore private janë pajisur me licenca të mbikëqyrjes së punës, ka vazhduar procesi i zhvillimit të kurrikulave bërthamë për tri nivelet e arsimit para universitar, rritja e përfshirjes së fëmijëve me nevoja të veçanta, ndërtimi i objekteve arsimore etj. Gjithashtu u njoftua se 23 komuna kanë përfunduar decentralizimin financiar si dhe planet e tyre. Ndërsa ndër sfidat kryesore përmendet edhe braktisja e arsimit nga komunitetet RAE, përfshirja e ulët e moshave 0-5 vjet në nivelin parashkollor si dhe cilësia e shërbimeve që i ofrohet fëmijëve me nevoja të veçanta në klasat e rregullta si dhe vështirësitë që po hasen në ushtrimin e autorizimeve të cilat janë transferuar nga niveli qendror tek komunat, kjo për shkak të mungesës së personelit apo kapaciteteve profesionale. Pas prezantimit të këtyre të arriturve dhe sfidave nga ministri i MASHT, kryesuesi, z. Yagcilar në vazhdim i dha fjalën zëvendësministrit të Bujqësisë Pylltarisë dhe Zhvillimit Rural i cili raportoi për ndryshimet funksionale përbrenda ministrisë të bazuara në rregulloren e re, miratuar më 13 nëntor 2011. Këto ndryshime qartësojnë hierarkinë dhe përgjegjësitë përbrenda ministrisë, duke iu shmangur seksioneve përbrenda divizioneve. Gjithashtu bazuar në organogramin e ri, Departamenti i Politikave të ministrisë është ndryshuar në Departament të Zhvillimit të Politikave Rurale, ku brenda këtij departamenti do të funksionojë divizioni i cili do të merret vetëm me çështjet agro-mjedisore. Gjithashtu është krijuar Departamenti i ri për Politika Bujqësore, Tregje dhe Tregti; si dhe Departamenti i Shërbimeve Këshillimore si rrjedhojë e përafrimit me praktikën bashkëkohore të Bashkimit Evropian. Me këto ndryshime hierarkisë vertikale i është shtuar edhe Departamenti i Pylltarisë. Përderisa zyra për çështje ligjore, zyra për integritet evropian, zyra për shërbime publike, zyra për komunikim me publikun, zyra për buxhet dhe financa kanë marrë funksione horizontale për të plotësuar përgjegjësitë teknike. Ndërsa njësia e pagesave është ndryshuar në departament të pagesave. Gjithashtu Ministri Yagcilar ftoi përfaqësuesit e këtyre ministrive që ta kryejnë edhe aspektin formal pra që të dërgojnë Planet Zhvillimore Strategjike edhe për aprovim formal duke kërkuar një bashkëpunim të ngushtë të këtyre ministrive me Departamentin për Menaxhimin e Reformës së Administratës Publike në mënyrë që këto çështje të kalojnë edhe brenda filtrave të MAP-së. Pas kësaj ministri i MAP-së z. Mahir Yagcilar i dha fjalën Ministrit të Shëndetësisë z. Ferid Aganit i cili theksoi se do të jetë mjaft konkret dhe i përqendruar në temë duke theksuar se

meqenëse bëhet fjalë për Planin Zhvillimor Strategjik të Administratës së Shëndetësisë së MSH –së ka dërguar Planin Zhvillimor Strategjik në vitin 2011 në MAP duke theksuar se është punuar në bazë të këtij plani mirëpo nevojat për ndryshime sidomos me aprovimin e Ligjit të ri të Shëndetësisë i cili ka hyrë në fuqi me 22 maj të këtij vit kanë imponuar ndryshimin e Strategjisë sektoriale të shëndetësisë dhe deri ka mesi i muajit tetor pritet edhe nxjerrja e strategjisë sektoriale të shëndetësisë dhe në bazë të kësaj strategjie pritet të bëhet edhe adaptimi i planit të administratës dhe prej kësaj faze do të filloj edhe bashkëpunimi me departamentin përkatës në MAP. Ministri Agani theksoi se do të ketë edhe ndryshime të mëdha duke potencuar se MSH nuk do të ketë rolin e mëparshëm atë të menaxhimit të institucioneve shëndetësore mirëpo do të ketë rol të ri atë të politike bërjes, të rregullatorit si dhe monitorimit të këtyre institucioneve si dhe do të ketë përshkrim të ri të detyrave të punës të zyrtarëve kryesor duke përmendur edhe aprovimin e Rregullores për Organizimin e Brendshëm të kësaj Ministrie nga Qeveria e Republikës së Kosovës me 24 prill të vitit 2013 e cila do t'i ndihmoi në klasifikimin e vendeve të punës si dhe ndryshimet tjera të cilat pritet të bëhen në këtë ministri dhe të institucioneve tjera shëndetësore. Prandaj ai theksoi se me këto hapa të ndërmarrë si dhe me Planin Zhvillimor Strategjik i cili do të jetë i përshtatur me strategjinë sektoriale të shëndetësisë MSH do të shndërrohet në institucion efikas dhe efektiv duke qenë në shërbim sa më të mirë të qytetarëve. Po ashtu ministri i MAP-së shtojë se pikërisht kjo është edhe arsyeja e këtyre Planeve Zhvillimore Strategjike pra objektiva sa më të qarta të ecjes përpara në mënyrë sa më të suksesshme duke u pajtuar edhe me Ministrin e MSH-së se edhe ndryshimet e parapara në këtë Ministri do të përkrahen edhe nga MAP në mënyrë që të kemi një reformë sa më të mirë në të gjitha institucionet e Republikës së Kosovës.

Pas kësaj fjalën e mori Ushtuesja e Detyrës së Sekretarit të Përgjithshëm të Ministrisë së Punëve të Jashtme e cila në mungesë të Ministrit të MPJ-së tregoi lidhur me formimin e grupit për Planin Zhvillimor Strategjik të kësaj Ministrie për tri vitet e ardhshme. Ku pastaj vazhdoi shpjegimin kryesuesi i grupit lidhur me Planin Zhvillimor Strategjik të kësaj ministrie duke treguar se janë bërë hapa të mëdha lidhur me reformimin e kësaj ministrie në katër rrafshë si në aspektin ligjor, atë diplomatik, statusin e nëpunësit civil dhe diplomatik, si dhe detyrimet e ndërsjella ndërmjet institucionit dhe nëpunësve civil duke përmendur edhe organogramin e ri të kësaj ministrie. Po ashtu theksohet edhe themelimi i Akademisë Diplomatike të kësaj ministrie si

dhe qendrën e vizave për shtetasit e huaj. Pra theksohet se ky Plan Zhvillimor Strategjik është bërë në koordinim të ngushtë me përfaqësuesit e MAP-së.

Pas kësaj Ministri i MAP-së vazhdoi me pikën tjetër të rendit të ditës lidhur me miratimin e raportit mbi zbatimin e Planit të Veprimit për zbatimin e Strategjisë për Reformën e Administratës Publike 2010-2013 i cili u miratua në këtë takim mirëpo duke theksuar se bazuar në raportet e marra nga kryesuesit e nëngrupeve punuese është realizuar rreth 60.4%.

Po ashtu theksohet se veprimet e përfunduara në Planin e Veprimit për zbatimin e Strategjisë për Reformën e Administratës Publike do të largohen dhe do të punohet në Strategjinë e re apo të përditësuar për periudhën e mëtejshme për të vazhduar me reformimin e mëtejshëm të administratës publike.

Pas kësaj Ministri i MSH-së z. Ferid Agani kërkoj falje për ndërhyrje mirë theksoi se duke e lexuar dokumentin e sheh se në objektivin nr.1 sheh se është cekur se Plani Zhvillimor Strategjik i MSH-së nuk është dorëzuar dhe kërkon ta dijë nëse bëhet fjalë për Planin Zhvillimor Strategjik të ri i cili është duke u rishkruar apo se për cilin plan bëhet fjalë. Ministri Yagcilar shton se me sa e kupton ai deri sa nuk është aprovuar ai plan, numërohet se procesi nuk ka përfunduar dhe nuk mjafton vetëm dërgimi i tij mirëpo duhet të aprovohet në Qeveri duke theksuar se disa ministri e kanë aprovuar Planin e tyre Zhvillimor Strategjik në Qeveri duke i shtruar edhe pyetjen U.D të DMRAP z. Fatos Mustafa se a është korrekt kjo që e thotë ministri Yagcilar duke i dhënë fjalën z. Mustafa i cili potencon se kemi pranuar një dokument i cili është më shumë si strategji sektoriale dhe kanë propozuar që të kenë një Plan Zhvillimor Strategjik të ministrisë dhe për këtë kanë kërkuar nga MSH plotësim-ndryshimin e këtij plani i cili më pastaj do të dërgohet në KNRAP dhe për aprovim të mëtejshëm në Qeveri. Më pastaj ministri Agani kërkoj ta dijë se kur është bërë kërkesa për Planin Zhvillimor Strategjik ku z. Mustafa i përgjigjet se menjëherë në rastin kur e kanë pranuar dokumentin e MSH-së që është një strategji sektoriale ne kemi kërkuar plotësim ndryshimin duke i bërë kërkesë MSH-së për një Plan Zhvillimor Strategjik, pastaj ministri Agani pyet se a bëhet fjalë për strategji sektoriale apo planin zhvillimor strategjik të administratës së MSH-së. Drejtori Mustafa përgjigjet se bëhet fjalë për Planin Zhvillimor Strategjik të MSH-së, ku përsëri ministri Agani pyet se nëse me këtë kuptojnë planin e administratës së MSH-së dhe z. Mustafa i përgjigjet se nënkuptojnë Planin Zhvillimor Strategjik të MSH-së, dhe jo strategjinë sektoriale dhe përsëri ministri Agani thotë se nëse ka të bëjë me planin e administratës së MSH-së atëherë MAP ka të drejtë të kërkojë një plan të tillë mirëpo

nëse ka të bëjë me planin e politikave shëndetësore atëherë nuk e shoh si të rrugës se përse MAP duhet të informohet sepse nuk ka kurrfarë interferimi me MAP-në dhe po ashtu do ta doja të dija se kur është bërë kërkesa. Me këtë rast z. Mustafa i përgjigjet se në vitin 2012 i janë drejtuar DMRAP dhe me këtë rast z. Yagcilar shton se këto kërkesa për Plane Zhvillimore Strategjike janë bërë mandatin e kaluar dhe çdo ndryshim në sistemin sektorial prek edhe administratën shtetërore dhe atë publike duke shtuar se edhe MPJ, MFSK dhe MSH kanë disa specifika mirëpo duhet të dihet edhe drejtimi i zhvillimit të këtyre ministrive duke i përmbledhur të gjitha sektorët në një dokument strategjik dhe ky është edhe qëllimi i këtij Plani Zhvillimor Strategjik sepse dihet se MSH ka paraparë edhe shumë ndryshime në sektorë të ndryshëm dhe kjo është edhe arsyeja e këtij plani ndërsa për çështjet tjera ju mund ta bëni me strategji sektoriale duke potencuar edhe organizimin e brendshëm klasifikim e vendeve të punës të cilat duhet të bëhen me Ligjin mbi Qeverinë e Kosovës, mirëpo pasi nuk ekziston një Ligji për Qeverinë atëherë kjo bëhet me Rregulloren për funksionimin e Qeverisë dhe në bazë të kësaj rregullore apo në të ardhmen Ligjin për Qeverinë do të hartohet edhe Plani Zhvillimor duke theksuar se Kosova është një shtet i ri dhe në fillim ne vetëm i kemi krijuar ministritë duke mos e paraparë edhe zhvillimin e tyre apo drejtimin se si ato do të zhvillohen duke filluar nga Zyra e Kryeministrit dhe pastaj për secilën ministri veç e veç. Mirëpo ministri Agani përsëri potencon se MSH ka planin sektorial apo planin e zhvillimit të ministrisë atë që e thotë MAP për vitin 2010-2014 i cili është i miratuar në Qeveri dhe nëse i skadon afati atij plani atëherë do të miratohet plani i ri. Më pastaj ministri Yagcilar thekson se këto plane duhet të miratohen dhe kjo është edhe arsyeja e tyre, mirëpo ministri Agani shton se kur thuhet se një Plan Zhvillimor Strategjik nuk është dorëzuar me kohë atëherë ne duhet ta dimë se kur është bërë kërkesa formale dhe duke thënë se me përgjegjësi të plotë deklaroj se nuk kam pranuar një kërkesë të tillë nga MAP.

Në këtë rast zyrtarja e lartë e DMRAP znj. Malsore Gashi kërkoj që ta merr fjalën duke e informuar ministrin Agani se një kërkesë e tillë rrjedh çysh prej projektit FRIDOM i cili ka qenë rishikimi funksional dhe me këtë rast Qeveria ka marrë vendim që rekomandimet e FRIDOM-it të shndërrohen në Plane Zhvillimore Strategjike. Po ashtu znj. Gashi shton se janë mbajtur dy herë takime me përfaqësuesit e MSH-së dhe në një mënyrë janë dakorduar për shumicën e çështjeve dhe ata kanë mbetur që ta hartojnë një Plan Zhvillimor Strategjik mirëpo nuk është e informuar se çka ka ndodhur më tutje. Mirëpo ministri Agani përsëri kërkon t'i sqarohet se nëse bëhet fjalë për Planin e Administratës së MSH-së apo diçka tjetër duke potencuar se projekti i

FRIDOM ka qenë një analizë funksionale e Qeverisë në tërësi dhe duke thënë se ata kanë punuar mjaft ngushtë me MAP për Rregulloren për Organizimin e Brendshëm të MSH-së dhe se si është e mundur që nuk kanë bashkëpunuar për PZHS-në e MSH-së dhe duke potencuar se ata kanë marrë pëlqimin nga MAP për Rregulloren për Organizimin e Brendshëm dhe të njëjtën gjë do ta bënin edhe për PZHS-në e MSH-së. Më në fund të dy ministrat (Yagcilar dhe Agani) pajtohen se do ta diskutojnë këtë çështje duke premtuar se do ta kenë një takim të përbashkët. Po ashtu ministri Buja shtoi se edhe unë nuk kam pranuar një kërkesë për Planin Zhvillimor Strategjik mirëpo unë çysh kur kam marrur mandatin kam pas një PZHS dhe vetëm kam bërë disa ndryshime dhe e kemi dërguar për aprovim në Qeveri prandaj administrata jonë vetëm duhet të punoi më shumë dhe duke menduar në atë se nuk ka nevojë të marrim kërkesë për secilin detaj formal dhe duke potencuar se edhe shtete shumë të zhvilluara sikurse Mbretëria e Bashkuar ka filluar reformën e administratës publike po ende nuk e ka përfunduar.

Pas kësaj takimi vazhdoi me prezantimin e arritjeve dhe sfidave në hartimin e Rregulloreve për Organizimin e Brendshëm dhe Sistematizimin e Vendeve të Punës duke filluar me sqarimet e bëra nga Ministri i Punëve të Brendshme i cili tregoi situatën aktuale lidhur me Organizimin e brendshëm si dhe punën e bërë lidhur me hartimin e Rregullores për Organizimin e Brendshëm të MPB-së duke treguar se kanë punuar me intensitet të lartë këta dy muajt e fundit duke potencuar po ashtu se reforma e administratës publike është edhe kriter i Bashkimit Evropian për Kosovën. Po ashtu rreth Rregullores për Organizimin e Brendshëm të MPB-së ministri Rexhepi përmendi edhe hapat të cilat i kanë marrë si ministri. Me vendimin nr. 455 të dt. 18 qershor 2012 të nxjerrë nga Sekretari i Përgjithshëm i MPB-së është formuar grupi punues për hartimin dhe finalizimin e kësaj rregullore e cila është finalizuar dhe dërguar për të kontrolluar ligjshmërinë dhe përshtat mërinë me politikat zhvillimore të administratës publike dhe është dërguar në MAP me dt. 28.12.2012 dhe të njëjtën rregullore e kanë pranuar nga MAP me komente me dt. 20 mars 2013. Grupi punues i MPB-së ka filluar edhe shqyrtimin dhe inkorporimin e këtyre komenteve të dhëna nga MAP. Përfaqësuesit e MPB-së përsëri kanë dërguar rregulloren në fjalë në MAP me dt. 1 gusht 2013 dhe të njëjtën e ka pranuar përsëri me disa komente me dt. 21 gusht 2013 dhe ka mbetur që të mbahet edhe një takim në mes të përfaqësuesve të dy ministrave me dt. 29 gusht dhe pritet që kjo rregullore të miratohet dikur ka mesi i shtatorit i vitit 2013. Ministri i MPB-së ka ngritur si çështje sfiduese vetëm dy ose tri pika emërtimin e disa divizioneve apo departamenteve sikurse me Qendrën e mbajtjes së të huajve e cila parashihet të jetë në bazë të Ligjit Nr. 04/L-069

ndërsa nga MAP kemi pranuar komentet se kjo nuk mund të emërtohet sikurse Qendra e mbajtjes së të huajve por duhet të jetë Divizion duke u bazuar në Rregulloren nr. 09/2012 për Standardet e Organizimit të Brendshëm dhe Sistematizimin e Vendeve të Punës në Administratën Shtetërore. Po ashtu një tjetër sfidë është edhe Qendra për Azil për të cilën po ashtu kemi pranuar komentet se duhet të emërtohet si divizion bazuar në nenin 5 të Rregullores nr. 09/2012 për Standardet e Organizimit të Brendshëm dhe Sistematizimin e Vendeve të Punës në Administratën Shtetërore. Ndërsa sa i përket inspektimeve dhe testeve infiltruese dhe auditimeve të kryera në fushën e aviacionit civil nga inspektorët e aviacionit civil të MPB-së janë të parapara edhe me Konventa Ndërkombëtare, Rregullore të Bashkimit Evropian dhe legjislacionin vendor ndërsa nga MAP kemi pranuar komentet dhe është kërkuar që mos të ketë ndërthurje kompetencash me Divizionin për Auditimin e Brendshëm. Prandaj këtu ministri Rexhepi thekson se e kupton MAP-në se dëshiron të ketë uniformitet dhe mos të ketë laramani ndërmjet ministrive, mirëpo këto quhen qendra për azil edhe në vendet tjera të BE-së dhe nëse ne e quajmë si divizion prapë do të kemi probleme dhe do të detyrohemi t'i ndryshojmë sepse ashtu quhen edhe ne vendet e BE-së. Ai potencon se sa i përket nivelit ato mund të jenë edhe divizione mirëpo sa i përket emërimit ato duhet të jenë ashtu si janë të parapara me ligj sepse fundi fundit ligji është më i fuqishëm sesa Rregullorja për Organizimin e Brendshëm pa marrë parasysh edhe rëndësinë e Rregullores për Organizimin e Brendshëm e cila është e një rëndësie të veçantë. Ai beson se në takimin e ardhshëm këto çështje do të përfundohen. Sa i përket inspektimeve dhe auditimeve të kryera në fushën e aviacionit civil ai potencon se nuk ka kurrfarë ndërthurjesh të kompetencave sepse çështja e sigurisë në aeroport dhe testi i infiltrimit nuk kanë të bëjnë fare me auditimin e brendshëm dhe këto çështje janë të mbyllura edhe për opinionin publik mirëpo në mënyrë që t'ju sqarojë juve këtë po e theksoi. Ministri Rexhepi thekson se ata kanë bërë edhe një simulim të tillë në mënyrë që të vlerësohet siguria në aeroportin e Prishtinës, nëse personat kanë mundësi të kalojnë edhe me armatim nëpër kontrole të sigurisë se aeroportit duke theksuar rëndësinë e kësaj çështjeje. Pas kësaj ministri i MAP-së z. Yagcilar shton se kjo është edhe rëndësia dhe arsyeja e takimit në mënyrë që të kemi mundësi të diskutojmë sfidat dhe pengesat, duke potencuar se sa i përket emërimit besoj që nuk do të ketë ndonjë pengesë mirëpo sa i përket nivelit është çështje që duhet shqyrtuar, dhe po ashtu sa i përket pikës së tretë rreth inspektimeve dhe auditimeve ai pranon se nuk e ka kuptuar mjaft mirë dhe beson që këtë do ta zgjedhin së bashku me zyrtarët e DMRAP. Pas kësaj fjalën e kërkon z. Fatos Mustafa U.D i DMRAP i cili thekson se kur janë

dhënë komentet janë bazuar në Ligjin mbi Administratën Shtetërore i cili e përcakton nivelin e departamenteve dhe divizioneve pra dy nivele, ndërsa sa i përket emërimit ligji e lejon emërtimin e ndryshëm vetëm duhet të tregohet ekuivalenca se cilit nivel i takon, ndërsa lidhur me çështjen e tretë z. Mustafa shton se është çështje e natyrës së punës dhe edhe ne mund të mos e njohim natyrën e punës në detaje të MPB-së mirëpo është çështje që duhet ta rregullojmë në takimin e ardhshëm, sikurse që kemi bërë me Departamenti e IT për prodhimin e pasaportave. Pas kësaj Ministri Yagcilar i dha fjalën përfaqësuesit të Ministrisë së Infrastrukturës i cili theksoi se edhe kjo ministri ka disa specifika dhe theksoi se sikurse theksoi Ministri i MPB-së z. Rexhepi edhe ne kemi disa sfida sidomos lidhur me çështjen e emërimit dhe disa kompetencave të përbashkëta të cilat i kanë departamentet apo divizionet e kësaj ministrie të cilat pritet që të eliminohen dhe do të bëhen në bashkëpunim të ngushtë me përfaqësuesit e MAP-së përkatësisht DMRAP.

Takimi vazhdoi me dhënien e fjalës përfaqësuesit të Ministrisë së Financave i cili theksoi se ata kanë përgatitur rregulloren në fjalë në bazë të afatit të paraparë nga MAP dhe janë në finalizim të kësaj rregullore dhe do të përfundohen diku ka mesi i shtatorit të këtij viti.

Pas kësaj fjalën e mori Zëvendësministri i Ministrisë së Kulturës Rinisë dhe Sporteve i cili numëroi sfidat sidomos me disa kategori e sidomos me disa performues të artit se ku ata mund të kategorizohen dhe a janë shërbyes civil apo jo duke theksuar edhe disa probleme apo duplikime me disa ligje. Mirëpo Ministri Yagcilar theksoi se janë në plotësim ndryshim edhe Ligji mbi Administratën Shtetërore si dhe Ligji për Pagat dhe do të shikohet mundësia e eliminimit të këtyre mangësive. Pas kësaj fjala ju dha përfaqësuesve të Ministrisë së Zhvillimit Ekonomik ku përfaqësuesi i MZHE i jep fjalën Drejtorit të Administratës së MZHE-së znj. Resmije Mumxhi. Mirëpo në këtë rast Ministri i MAP-së kërkoj që herëve tjera në KNRAP të jenë prezent ministrat ose zëvendësministrat e Qeverisë së Republikës së Kosovës e jo drejtorët apo pozitat tjera pasi në KNRAP kërkohet vendimmarrje politike dhe ka pasur mjaft probleme herëve të kaluara pikërisht për këto çështje dhe ndryshimet në përbërje të KNRAP nuk kanë qenë të lehta dhe ka presion edhe nga Komisioni Evropian lidhur me këto çështje dhe ne në KNRAP na duhet të marrim vendime politike dhe herëve tjera nuk do të lejojë që të marrin pjesë pozitë e drejtorëve apo zyrtarëve tjerë sepse ata kanë mundësi të punojnë në grupet tjera punuese ndërsa KNRAP është Komisioni Ndërministror dhe duhet të marrin pjesë ministrat ose zëvendësministrat e jo zyrtarët tjerë. Me këtë rast zonja Resmie Mumxhi kërkoj falje duke

theksuar se edhe ajo nuk prezanton këtu për shkak të dëshirës së vet mirëpo ka qenë e udhëzuar nga dikush që të marrë pjesë dhe prezantoj në këtë takim. Ajo tha falënderoj të pranishmit për këtë takim ku theksoi se ky është një takim mjaft i rëndësishëm dhe theksoi edhe përpilimin e tri draft-Rregulloreve për Organizimin e Brendshëm të MZHE-së. E para është përgatitur në maj të vitit 2012 dhe është dërguar në MAP dhe përgjigjen nga MAP e kanë marrë në mars të vitit 2013, përsëri MZHE ka dërguar draft-Rregulloren për Organizmin e Brendshëm të MZHE-së në mars të vitit 2013 në MAP duke inkorporuar komentet dhe ka marrë përgjigjen nga MAP në qershor të vitit 2013. Znj. Mumxhi thekson se ata prapë kanë vazhduar me punën dhe kanë pasur takim me komisionin për aprovimin e këtyre rregulloreve dhe janë pajtuar dhe se kjo Rregullore do të aprovohet së shpejti. Ajo përmendi tri çështje të cilat kanë qenë më sfiduese dhe që kanë të bëjnë me emërtimin e dy Departamenteve: Departamenti për Politika dhe Zhvillim Ekonomik, Departamenti për Teknologji Informativ dhe Telekomunikacion si dhe Njësinë e Ndërmarrjeve Publike e cila ka kaluar me po të njëjtin emër nga Ministria e Financave në Ministrinë e Zhvillimit Ekonomik. Znj. Mumxhi theksoi se janë inkorporuar të gjitha komentet të cilat janë marrë nga DMRAP dhe sfidat kanë qenë lidhur me emërtimin e dy departamenteve dhe një divizioni theksoi se besoj që do të eliminohen shumë shpejt në mënyrë që të aprovohet pa ndonjë problem Rregullorja për Organizimin e Brendshëm e kësaj ministrie.

Nga ky takim dolën këto rekomandime :

- **Të hartohen Propozim Planet Zhvillimore Strategjike nga Ministritë të cilat nuk e kanë bërë këtë.**
- **Të fillohet nga viti i ardhshëm me sistemin e ri të pagave.**
- **Të përfundohet me procesin e Organizimit të Brendshëm**

Kryesuesi :

Mahir Yagcilar, Ministër i MAP-së

Procesmbajtës:

Driton Blakçori

Koordinator për e- Qeverisje DMRAP